

Ñiic 49

1. Kä æ kui ña ci Jœœen in Lääk bèn kæ šoo bæ lòc Ji Juudh rialikä kæ jæ mœ?

-Kæ kui Yecu min la Kään.

2. Kä Jœœen in Lääk rialæ lòc Ji Juudh ikä idi?

-Kæ šoo ñiicæ kæ kæ Ruaacni Kuœeth.

3. Æ ñu mi ci Jœœen in Lääk æ ñiic ni Ji Juudh?

-Jœœen in Lääk ñiicæ Ji Juudh i bi kæ ro dhil rit.

4. Lötæ ni ñu kæ šoo bi raan rœ rit?

-Æn rièt kæ rœ lötæ ni šoo banæ cärkœen riet Kuoth, kæ šoo Kuoth šælæ rœ kä dènæ ro cu tieec nhiam Kuœeth ni kæ pòrkæ kärœa.

-Æn rièt kæ rœ lötæ ni šoo banæ cärkœen päl kæ kui puànynikœen, kæ šoo ci kœen diaal Kuoth duer duer.

-Æn rièt kæ rœ lötæ ni šoo banæ duer päl, kæ šoo Kuoth duäacæ dueer diaal kæ lià mi dòraar.

5. Kä æn làk lötæ ni ñu?

-Æn làk æ nyuuth mi löt ni šoo ærièt kæ rœ dueeri, kä ci cu ñäth ni Kuoth kärœa kæ šoo bæ ji kän.

6. Æn làk tæ kæ luañ i dèræ raan kän kä buœem duirä, kæ lià, kænæ Ciæ-tan?

-Šèth.

7. Kä æ ña kärœa mi dè Ji Juudh kän kä buœem duirä, kæ lià, kænæ Ciæ-tan?

-Æ Yecu mi la Kään.

8. Kä æ ñu cœœel Jœœen in Lääk Ji Pÿ-ræ-thith kænæ Ji Thÿ-du-thith i kæ dÿi thœœeli mœ?

-Kæ šoo Ji Pÿ-ræ-thith kænæ Ji Thÿ-du-thith liakæn ro.

-Kä kæ šoo Ji Pÿ-ræ-thith kænæ Ji Thÿ-du-thith lòkæn riet kæ ro dueerikiæn.

9. Kä æ ñu Ji Pÿ-ræ-thith kænæ Ji Thÿ-du-thith car kænæ i tæth loec Kuœth kæ kæ mœ?

-Kæ šoo car kæn æ i bi lätkiæn Kuoth kök kæ šoo bæ kæ nhœk.

10. Æn lätkoen tin lätæ dè Kuoth kök kæ šoo dèræ koen nhœk?

-Šèth.

11. Kä æ lät indiæn kärœa min dè loec Kuœth jakä tæth œ?

-Æ riet kæ roe dueeri.

12. Æ ñu car Ji Pÿ-ræ-thith kænæ Ji Thÿ-du-thith æ i tæth loec Kuœth kæ kæ mœ?

-Kæ šoo kæ kuay Ab-ram.

13. Æn šoo banæ la kuay ran æ jæn de Kuoth loecdæ tææth kæ jæ mœ?

-Šèth.

14. Æ ñu mi ci Jœœen in Lääk æ lar kæ kui nææni tin liakæ ro kä lòk kæn šoo ba ro rit dueeri mœ?

-Bi Kuoth kæ tæm piny cèt kæ jiath mi jiääk kä bakæ yuœer Där Maac mi /Thil pek.

15. Æ ña ænëë bòth Yecu mëë cieñæ wii muœœen?

-Æ Kuoth min la Yiëë ni Šæl roe.

16. Kæ koer kä mëë ca Yecu lak, æ ñu mi ci Guàndan ni Kuoth æ lar kæ kui Yecu?

-Cu Guàndan in Kuoth wèè i tæth loecdæ kæ Yecu æ lòñ.

17. Kä æ ñu cu Jœœen in Lääk Yecu cœl i “Ruadh dÿÿl Kuœthœ?”

-Cèt kæ mëë ci Kuœth dÿl thöp kæ šoo bæ liu guäth Ai-dhæk, inœ bä ci Kuoth Yecu thöp kæ šoo bæ liu kæ kui nath diaal.

-Kä kæ koer kä mëë ci Jœœen in Lääk Yecu lak, cu Kuoth mi la Yiëë in Šæl roe Yecu both dädœaar.

Kuænæ Mýthiu 4:1

1-Cuœ Yecu both dœœer æ Yiëë kæ šoo ba šœn æ guàn jiäkni.

-Æ ñu mi ci tuœœek kä Yecu mëë tæ dädœœaar?

-Ci Ciæ-tan Yecu wä šœn kæ šœm.

-Ciæ-tan /cæ rœ wany.

-Ciæ-tan æ guàn jiäkni ni tukädæ.

-Mëë ci Ciæ-tan A-dœem kænæ Yip kœñ šœn, tämæ Ciæ-tan šœnæ Yecu.

-Kä æ ñu Ciæ-tan šœnæ Yecu mœ?

-Ciæ-tan gòræ šoo bi Yecu duer.

-Kä æ ñu gòr Ciæ-tanæ i bi Yecu duer œ?

-Kæ šoo Ciæ-tan /cæ jæ gòr i bi Yecu naath kæn.

-Mi ci Yecu bèn duer, dèræ naath bèn luän kæ kàn?

-Šèth.

-Mi ci Yecu duer, /cæ naath dè luän kæ kàn kä buœm duirä, kæ lià, kænæ Ciæ-tan.

-Ciæ-tan cæ Yecu Šœn kæ šoo gòræ jæ i bæ Yecu min la Kään tiam.

-Ciæ-tan cæ Yecu šœn kæ Šoo gòræ jæ i bæ Yecu jakä Kuanydæ.

-Ci Yecu wä thææk dädœœaar kæ nin ti jæn ñuaan.

Kuænæ Mýthiu 4:2

2-Kä kæ kœr kä mēē cæ thææk kæ cǎñ dǎäri ti jǎen ñuaan kænæ wǎäri ti jǎen ñuaan, cu buœthæ cu nǎk.

-Kä kæ Šoo Yecu æ Kuoth mi ròn, kä æ rami ròn bǎ.

-Mæmæ æ jæn jak Yecu i ba nǎk æ buœth.

-Æ šœœen in nhiam indiæn ænēē ci Ciæ-tan æ šœœen ni Yecu?

Kuænæ Mÿthiu 4:3

3-Kä cu guàn šœœenä bèn kä jiothæ jæ, “Mi æ Jin Gat Kuœth, jiothni pääm titi i ba ro löœcni juracni.”

-Ci Ciæ-tan Yecu jioth, “Mi æ jin Gat Kuœth.”

-Æn Ciæ-tan cæ jæ ñǎc nun i Yecu æ Gat Kuœth?

-Juä.

-Kä æ ñu ci Ciæ-tan æ lar i, “Mi æ jin Gat Kuœth œ?”

-Ciæ-tan šœen æ ni Yecu kæ šoo bæ roe nyöth mi æ Gat Kuœth.

-Ciæ-tan šœen æ ni Yecu kæ šoo bæ mi /kèn Guàndan ni Kuoth æ jioth i bæ làt làt.

-Ciæ-tan Šœen æ ni Yecu kæ šoo bæ làt æ nàn kä Kuoth min la Guàndan kæ luœc pääni ni juracni.

-Æn Yecu tæ kæ luàn mi dèræ löœcni pääm kæ juracni?

-Juä.

-Æn Yecu æ Kuoth.

-Yecu tæ kæ luàn kæ làtni kä ti diaal.

-Kä æ ñu mi ci Yecu æ luœc Ciæ-tan?

Kuænæ Mÿthiu 4:4

4-Kä cu Yecu jæ lœc, “Ca jæ goer: “/Ci raan dè tèk kæ jurac kärœa, æni riet mi bëë raar thöo Kuœth.”

-Æ ñu mi ci Yecu æ làt, kæ šoo bæ Ciæ-tan lœc?

-Ci Yecu Ciæ-tan lœc kæ ruac in ca goer ræi Buœk Kuœth, ni Bayböl.

-Æ ñu mi ci Yecu æ làr Ciæ-tan i dit ni jæn kä mieth?

-Ci Yecu Ciæ-tan jioek i ñàth kæ Ruac Kuœth dit ni jæn kä mieth.

-Ci Yecu jæ lar i ci naath bi mith?

-Šèth.

-Yecu ñäcæ jæ i dènæ dhil mith.

-Ci Yecu mith cak kæ kui nath diaal.

-Ci Yecu Ciæ-tan jioek tèk in thuœk bæ kä Ruac Kuœth.

-Kæ šoo Yecu nàkæ jæ æ buœth, æ ñu /kènæ pä m löœcni juracni mœ?

-Kæ šoo /kèn Guàndan ni Kuoth æ jioek i làtni jæ.

-Ycecu /cæ Ciæ-tan dè kàm luth.

-Yecu dèræ luœth ni Guàndan ni Kuoth kärœa.

-Æ ñu mi ca šœœen ni Yecu æ Ciæ-tan kæ šœœen in ræwdæ mœ?

Kuænæ Mÿthiu 4:5-6

5-Kä cu guàn jïäkni jæ nañ rææk in Šæl rœ kä cuæ jæ lath ni wii luaak palä mi diit.

6-“Mi æ jin Gat Kuœth,” cuæ jæ jïok, yuœrni rœœdu piny. Kæ šoo ca jæ gœr: ‘Kä bæ jàækæ lâr ruac kæ kuidu, kæ šoo ba ji thak kæ tètkiæn, kæ šoo /ci cioku bi piem pààm.’”

-Cu Ciæ-tan Yecu nañ wii luaak palä kä Jæ-ru-thæ-læm, kä cuæ Yecu jïok i bi rœ kuæth piny wii luaak palä.

-Ci Ciæ-tan Yecu jïok i bæ rœ kuæth piny wii luaak palä kæ šoo ca jæ gœr ræi Buœk Kuœth, min mœ Bayböl, æn šoo bi Kuoth min la Guåndan Yecu gañ.

-Æn Ciæ-tan ñäcæ min ca gœr ræi Buœk Kuœth, min la Bayböl?

-Juä.

-Ciæ-tan ñäcæ mi ca gœr ræi Buœk Kuœth, min la Bayböl.

-Kä Ciæ-tan læælæ ñu kæ Ruac Kuœth?

-Ciæ-tan wänyæ Ruac Kuœth kæ šoo bæ naath mÿt kæ jæ.

-Kä cu Ciæ-tan Ruac Kuœth wàny idi kæ šoo bæ Yip mÿt?

-Cu Ciæ-tan Yip jïok i /ci bi liu mi wii dœw jiath in ci Kuoth ji jïok i /cu cam cam.

-Ci Ciæ-tan Ruac Kuœth wàny kæ šoo bæ Yecu mÿt.

-Ciæ-tan šœnæ ni Yecu kæ šoo bæ min /kèn Guåndan ni Kuoth æ jïok i lät ni lät.

-Ciæ-tan šœnæ ni Yecu kæ šoo bæ lät kæ wicdæ æ nàn kä Guåndan ni Kuoth kæ šoo bæ rœ yuœr piny wii luaak palä.

-Kä cu Yecu Ciæ-tan löc idi?

Kuænæ Mÿthiu 4:7

7-Kä cu Yecu jæ löc i, “Ca jæ gøer bä: ‘Cu Kuäär ni Kuothdu nañ šœmä.’”

-Æ ñu mi ci Yecu jæ làt, kæ šoo bæ Ciæ-tan löc?

-Cu Yecu Ciæ-tan löc kæ min ca gøer ræi Buœek Kuœeth, min la Bayböl.

-Ci Yecu Ciæ-tan löc i /cuœenæ Guåndan ni Kuoth šœn.

-Kä æ ñu canæ Guåndan ni Kuoth bi šœn œ?

-Kæ šoo Kuoth ni ciañ latae thuœk.

-Kæ šoo Kuoth /kènæ kac mèt kày.

-Kæ šoo Kuoth /kènæ rietdæ mèt tòl.

-Kæ šoo Kuoth ni ciañ la kääpæ rietdæ.

-Kä æ ñu kèn Yecu rœ yuœer piny wii luaak palä mœ?

-Kæ šoo /kèn Guåndan ni Kuoth æ jiok i bi jæ làt.

-Yecu /cæ Ciæ-tan dè kàm luth.

-Yecu dèræ luœeth ni Guåndan ni Kuoth kårœa.

-Kä æ indioœekdiæn indiaen mää ca šœœen ni Yecu æ Ciæ-tan œ?

Kuænæ Mÿthiu 4:8-9

8-Inœ bä, cu guàn jiäni jæ nañ wii pààm mi bäär kä cuæ jæ nyuœeth ciañ kuäärä wiœc muœœen kæliw æ mäni tin tè ræidæ.

9-“Bä titi diaal kàm ji,”jiokæ jæ, “mi bi rœ göñ kä pali šä.”

-Cu Ciæ-tan Yecu nañ wii pààm mi bäär, kä cuæ jæ nyuœth nyin riãñä wïec muœœen kæ bilitdæ.

-Ci Ciæ-tan Yecu jiok i dèræ Yecu kàm ruc wïec muœœen mi dè Yecu rœ göñ kæ pàl Ciæ-tan.

-/Cæ gœa nun æn šoo de Ciæ-tan Yecu kàm ruc wïec muœœen kæliw?

-Juä.

-Æ ñu /cæ bum i dè Ciæ-tan Yecu kàm ruc wïec muœœen kæliw mœ?

-Kæ šoo mëë ci A-dœm Ciæ-tan luœth, cu Ciæ-tan la kuäär A-dœam kænæ næi diaal.

-Kæ šoo mëë ci A-dœm Ciæ-tan luœth, cu Ciæ-tan la kuäär wïec muœœen kæliw.

-Ci Yecu Ciæ-tan bèn pal?

-Šèth.

-Kä æ ñu mi ci Yecu æ luœc Ciætan?

Kuænæ Mÿthiu 4:10

19-Kä cu Yecu jæ jiok, “Wöc rœ nhiamdä, Ciæ-tan! Kæ šoo ca jæ goer i: “Bi pal ni Kuäär ni Kuothdu, kä bi lätni jæ ikä kärœa.”

-Æ ñu mi ci Yecu jæ lät, kæ šoo bæ Ciæ-tan löc?

-Ci Yecu Ciæ-tan löc kæ min ca goer ræi Buœk Kuœth, min la Bayböl.

-Ci Yecu jæ lar i banæ pal ni Kuoth kärœa.

-Kä cu Yecu Ciæ-tan puœet idi?

-Kæ Ruac Kuœeth.

-Ci Yecu Ruac Kuœeth bèn wàny?

-Šèth.

-Ci Yecu Ruac Kuœeth lat cèt ni kæ gœear in ca gœœer ni jæ.

-Ni tukädæ, ci Ciæ-tan æ šœen i dèræ Kuoth ruac, kä cuæ pÿyn.

-Kæ koeræ, cu Ciæ-tan A-dœem kænæ Yip mÿt kæ šoo banæ nàn kæ Kuoth.

-Kä kæ šoo ci A-dœem kænæ Yip liñ ni Ciæ-tan, cu Ciæ-tan la ruèc A-dœeam kænæ Yip æ mäni næi diaal.

-Tämæ, ci Ciæ-tan æ šœen i bæ Yecu ruac, kä cuæ cu pÿyn thin.

-Æ ña mi dit ni jæn, æ Yecu kiæ Ciæ-tan?

-Æ Yecu.

-Kä æ ñu Yecu dit ni jæn kä Ciæ-tan œ?

-Kæ šoo Yecu æ Kuoth.

-Ni tukädæ, æ Yecu ænëë cak Lu-thi-pær.

-Ci Yecu Lu-thi-pær cak æ la jääk nhial mi /thil mÿÿny, kä cu Lu-thi-pær duer kä cuæ cu bèn æ la Ciæ-tan.

-Æ ñu mi bi Yecu æ lät kä Ciæ-tan kænæ dayiæminkæ cãñ?

-Bi Yecu Ciæ-tan kænæ dayiæmnikæ diaal yuœer Däär bar Maac mi /Thil pèk.

-Kæ koer kä mëë ci Yecu Ciæ-tan tiam, ci Ciæ-tan æ bàny piny kä tœet.

Kuænæ Mÿthiu 4:11

11-Cu guàn jiäkni jæ bany piny, cu jàak nhial æ bèn lätikä.

-Ci Ciæ-tan Yecu bany piny kæ guààth mi toet, kä cu Guàndan ni Kuoth jàak nhial jæk kæ šoo ba Yecu bèn luäk.

-Kä kæ šoo ci Ciæ-tan Yecu bany piny kæ guààth mi toet, bi Ciæ-tan luny joek kæ šoo bæ Yecu bèn nyøk kæ šoen.